

Акафист Пресвятой Богородице в честь иконы Ее, именуемой
«Целительница»

Кондак 1

Избрáнной от всех родóв Пресвятéй Дéве Богорóдице, явívшейся нéкогда клíрику болящу, во éже исцелíti его́ от болéзни лúтыя, похвáльное прино́сим пéние; Ты же, всемíлостивая Влады́чице, я́ко имúщая держáву непобедíмую, от всяких бед и скорбéй и болезнéй свободí ны, зовúщия Ти: Рáдуйся, Благодáтная, Целíteльнице душ и телéс нáших.

Икос 1

Архáнгел Гаври́ил, возвещáя Пресвятéй Дéве Марíи безсе́менное зача́тие от Нея́ Сы́на Бо́жия, рече́: «Рáдуйся, Благодáтная, Госпо́дь с Тобо́у, благословéнна Ты в жена́х»; мы́ же, грéшнии, гласу́ Архáнгела подража́ти дерза́юще, с ве́рою, любóвию и благоговéнием вопи́ем пéния сицевáя:

Рáдуйся, от нача́ла веко́в во главú нáшего спасéния предызбрáнная;
ра́дуйся, многообра́зне от проро́ков предвозвещéнная.

Рáдуйся, Невéсто Неневéстная, заче́нная Сы́на нашéством Дúха Свята́го;

ра́дуйся, Ма́ти, в рождестве́ и по рождестве́ пребы́вшая Дéва.

Рáдуйся, Одеýщегося свéтом, я́ко рíзою, пелена́ми повívшая;

ра́дуйся, го́рняя и до́льная благодáтию Своéю Пита́ющего млеко́м пита́вшая.

Рáдуйся, на рукú Твоéю Вседержíteля носívшая;

ра́дуйся, о Промыслíteле всея́ твáри попече́ние имéвшая.

Рáдуйся, па́че всех Сы́на Твоего́ возлюбívшая;

ра́дуйся, па́че всех от Него́ превознесéнная.

Рáдуйся, честнéйшая и сла́внейшая без сравне́ния всех Небе́сных Сил;

ра́дуйся, превы́шшая вся́кого создáния.

Рáдуйся, Благодáтная, Целíteльнице душ и телéс нáших.

Кондак 2

Видящи, преблагáя Влады́чице, усérдие и благоговéние клíрика Викéнтia, на всяк день преклоня́ющего колéна пред честным Тво́им образом и архáнгельское привéтствие Тебе́ принося́щего, прия́ла еси́ тако́вое его́ благоугождéние и даровáла еси́ ему́ во дни болéзни внеза́пное и дíвное со одра́ воста́ние. Тéмже и мы преклоня́ем колéна

душ и телес наших пред цельбоносным Твоим образом, Господже наша Богородице, и поминающе чудное явление Твое клирику болящему, вопием Сыну Твоему и Богу нашему: Аллилуиа.

Икос 2

Разумев чудесное исцеление от тяжкаго недуга, клирик Викентий воста с убогаго ложа своего, иде в церковь и тамо песньми хвалебными прослави Тя, Целительницу всех болящих. Приими убо и от нас, Мати Божия, сия благохваления:

Радуйся, от врат смертных неисцельно болящих к жизни возвращающая;

радуйся, сострадания к страждущим преисполненная.

Радуйся, поражённых различными недуги чудесно исцеляющая;

радуйся, во всяких скорбех и печалех небесную отраду в сердца наша изливающая.

Радуйся, в христианских добродетелех преуспети нам помогающая;

радуйся, любвию к Богу и ближним нас воодушевляющая.

Радуйся, от растлевающих душу и тело соблазнов мира сего сохраняющая;

радуйся, скорая услышательнице усердно Тебе молящихся.

Радуйся, источающая великия милости и щедроты любящим Тя;

радуйся, вся потребная в животё сем дарующая уповающим на Тя.

Радуйся, убожающих Тя в грозный час смерти не оставляющая;

радуйся, почитающих Тя жизни вечныя сподобляющая.

Радуйся, Благодатная, Целительнице душ и телес наших.

Кондак 3

Силою, данною от Тебе, Господже Царице и Владычице, святая икона Твоя источает неоскудно исцеления страждущим от недугов многоразличных, с несумненною верою к ней притекающим, Богу же вопиющим: Аллилуиа.

Икос 3

Имуще премногую любовь к роду христианскому и матернее о нем попечение, всем просящим у Тебе помощи и заступления всякое благое прошение скоро исполняеши; сего ради Тебе, всемогущей Заступнице и скорой Помощнице нашей, приносим похвалы сия:

Радуйся, скорбящих утешение;

радуйся, безнадёжных надеждо.

Радуйся, труждающихся помощи и укрепление;

радуйся, нищих одеяние.

Рáдуйся, áлчущих питáтельница;
рáдуйся, обíдимых и гонíмых застúпнице.
Рáдуйся, обíдящих устрашíтельница;
рáдуйся, в христиáнстей вéре настáвнице.
Рáдуйся, взыскáние погíбших;
рáдуйся, спорúчнице спасéния грéшных.
Рáдуйся, земли Рýсския прославлéние;
рáдуйся, града Москв́ы благодáтный Покрóве.
Рáдуйся, Благодáтная, Целíтельница душ и телéс нáших.

Кондак 4

Бúри страстéй и похотéй, и искушéний бесóвских избáви нас,
премилосéрдная Богорóдице, укрепí и сохрани в нас до концá жízни
нáшея вéру правослáвную и прéданность Святéй Цérкви, да возмóжем
невозбрáнно пéти Гóсподу Бóгу: Аллилу́иа.

Икос 4

Слýша Госпóдь на Небесí Твоя́ о нас молéния, Преплáгая
Владýчице, исполняет скóро всякое прошéние Твое́. Вéдуще таковое́
мáтернее дерзновéние к Сы́ну Твоемý, Гóсподу нáшему Иисýсу
Христý, вси к Тебé прибега́ем и усéрдно мо́лим Тя: предстáтельствуй о
нас, многогрéшных рабéх Тво́их, пред всемо́ущим Создáтелем нáшим,
да не погубíт нас со беззакóнными нáшими, но да подáст нам оставлéние
прегрешéний, вопи́ющим Тебé из глубины́ душí:

Рáдуйся, Предстáтельнице нáша пред Бóгом, мир от бед спаса́ющая;
рáдуйся, Сы́на Твоегó на мíлость к нам недостóйным
преклоня́ющая.

Рáдуйся, от запалéния óгненнаго росóю молíтв Тво́их избавля́ющая;
рáдуйся, удáры молнии и грóма от нас отводя́щая.
Рáдуйся, юрóдивую мýдрость вéка сего́ посрамля́ющая;
рáдуйся, путь спасéния заблúдшим показýющая.
Рáдуйся, грéшным к Бóгу дерзновéние дáрующая;
рáдуйся, изнемога́ющим в напáстех, скóрбех и искушéниях скóро
помога́ющая.

Рáдуйся, в постé, молíтве и богомы́слии пребывáющим прíсно
спребывáющая;

рáдуйся, блага́ земна́я, сýетная и скоропреходя́щая, презира́ти нас
научáющая.

Рáдуйся, к небéсным и вéчным сокрови́щем умý и сердца́ нáша
возводя́щая;

ра́дуйся, еди́ное на потре́бу избира́ти науча́ющая.
Ра́дуйся, Благода́тная, Целите́льнице душ и теле́с на́ших.

Кондак 5

Свет Небе́сный озари́ хра́мину боля́щего кли́рика, егда́ предста́ла еси́, Преблага́я Влады́чице, дарова́ти ему́ исцеле́ние от лю́таго недуга. О Пресвята́я Госпоже́ Богоро́дице, просвети́ помраче́нныя мно́гими грехми́ ду́ши на́ша и пода́ждь исцеле́ние болéзнующим теле́сѣм на́шим, да прославля́юще Твоя́ ми́лости, вопие́м ра́достно Бо́гу: Аллилу́иа.

Икос 5

Ви́дяще Тя, Влады́чицу Богоро́дицу, пред огнезра́чным Престо́лом Пресвяты́я Трои́цы стоя́щу и за христиа́н моля́щуюся, Небе́сныя Си́лы и вси святи́и, от века́ Бо́гу угоди́вшии, немол́чными славосло́виями ублажа́ют Тя. Мы́ же, грéшнии, на землі́, любóвию к Тебе́ подви́заеми́, дерза́ем воспева́ти Тебе́ си́це:

Ра́дуйся, Ма́тернею любóвию весь мир христиа́нский объе́млющая;
ра́дуйся, моли́твами Твои́ми к Сы́ну Твоему́ и Бо́гу нас спаса́ющая.
Ра́дуйся, о́бразом святы́м Целите́льницы град Москв́у
благослови́вшая;
ра́дуйся, оби́тель Алексі́евскую чудесы́ мно́гими освяти́вшая.
Ра́дуйся, изря́дная Спобóрнице веду́щим брань проти́ву искуше́ний
мирских и душевре́дных;
ра́дуйся, Наста́внице целому́дрия и воздержа́ния.
Ра́дуйся, всех прибега́ющих под кров Твой прие́млющая;
ра́дуйся, от вся́кия зло́бы и вражды́ ми́ром и любóвию огражда́ющая.
Ра́дуйся, подви́жников благоче́стия к Го́рнему Иерусали́му
Путеводи́тельнице;
ра́дуйся, душепа́губных ересей́ и раско́лов Искорени́тельнице.
Ра́дуйся, ско́рая в беда́х и печа́лах Уте́шительнице;
ра́дуйся, всех ве́рных благая́ Засту́пнице.
Ра́дуйся, Благода́тная, Целите́льнице душ и теле́с на́ших.

Кондак 6

Пропове́дует Свята́я Правосла́вная Це́рковь мно́жество чудес́ Твои́х и вели́кия Твоя́ ми́лости, Преблага́я Влады́чице, я́ко гра́ды и ве́си огражда́еши, оби́тели ино́ческия и жили́ща благоче́стивых защища́еши, оби́димых заступа́еши и вся́ благая́ и душеполе́зная низпосыла́еши всем прославля́ющим Тя и пою́щим Сы́ну Твоему́: Аллилу́иа.

Икос 6

Свѣтло красѹется зде, Госпожѣ Богородице, чудотворная Твоя икона, именѹемая «Целительница», прогоняющи от всех вѣрных тмѹ искушѣний и напастей и обильно исцелѣния источающи. Сего ради во умиленіи зовѣм Ти:

Радуйся, образ Твой нам мѣлостивно даровавшая;
радуйся, чрез иконы Твоя святѹя преславно чудодѣйствующая.
Радуйся, от неисцѣльных болѣзней скорое исцелѣние подающая;
радуйся, от всяких бед и скорбѣй избавляющая.
Радуйся, греховныя страсти укрощающая;
радуйся, колеблющихся в вѣре православней укрепляющая.
Радуйся, утешѣние благодатное в сердца боголѹбивая изливающая;
радуйся, надеждою небесных благ вѣрных дѹши улаждающая.
Радуйся, в добрых дѣлах преуспѣвати нам помогающая;
радуйся, от вѣдимых и невѣдимых враг нас защищающая.
Радуйся, благодатию Твоею падших возставляющая;
радуйся, страх Божій в сердца наша вселяющая.
Радуйся, Благодатная, Целительнице душ и телес наших.

Кондак 7

Хотящи явити милосѣрдие Твое неизреченное, даровала еси нам, Преблагая Богородице Дѣво, чудотворную икону Твою, именѹемую «Целительница», да вси притекающи к ней с вѣрою от болѣзней свободѣются и всякаго утешѣния сподобляются. Сего ради вопиѣм о Тебѣ Богу: Аллилуѹа.

Икос 7

Дивна и преславна дела Твоя, Пренепорочная Владычице: всем бо, богатым и нищим, здравым и болящим, с прилежною молитвою к цельбоносней иконѣ Твоей притекающим, вся благая по коегѹждо потребе и в мѣру вѣры и лѹбве подаѣши. Тѣмже и мы не таим Твоих благодеяний, но, благодарственно прославляюще мѣлости Твоя, глаголем Ти сѣце:

Радуйся, глухих слѣшание;
радуйся, слепых прозрѣние.
Радуйся, немых глаголаніе;
радуйся, хромых хождѣние.
Радуйся, прокаженных очищѣние;
радуйся, разслабленных укрепленіе.
Радуйся, от злых и лукавых духѹв свободѣние;
радуйся, по Бѹзе наше прибѣжище и заступленіе.

Рáдуйся, от нужд, печáлей и бед непрелóжно избавляющая;
рáдуйся, пристра́стие к тлénному богáтству искореняющая.
Рáдуйся, искáти богáтство нетлénное на Небесí научáющая;
рáдуйся, ўм наш в Гóрняя вперяющая.
Рáдуйся, Благодáтная, Целíтельница душ и телéс нáших.

Кондак 8

Стрáнни и пришéльцы в мíре сем скóрбнем и многмятéжнем сўще,
вéчнаго Небéснаго отéчества взыскўем и Тебé, всемо́щную Царíцу
Приснодéву Богорóдицу, смире́нно прóсим: путево́дствуй нас по
стезя́м спасíтельных за́поведей Сы́на Твоегó, Христá Бо́га нáшего, да
избéгше сéтей неvíдимаго врагá, возмо́жем невозбра́нно воспева́ти
Вседержíтелю Бо́гу песнь: Аллилу́иа.

Икос 8

Весь мир христиáнский ублажа́ет Тя, Пренепоро́чная Дéво, глáсы
хвалéбными: всем бо вéрным, наипáче же боля́щим, утéшительно есть
взира́ти на всечестнўю ико́ну Твою́, «Целíтельница» именўемую. О
пречўдная Госпоже́ Богорóдице, приими́ и нáша умилен́ная
благохвалéния таковы́а:

Рáдуйся, рáдосте нáша;
рáдуйся, добрóто несказáнная.
Рáдуйся, высотó добродéтелей;
рáдуйся, глубинó смиренномўдрия.
Рáдуйся, неистощíмый истóчнице мíлостей и щедрóт;
рáдуйся, благоухáнный цвёте дéвства и чистоты́.
Рáдуйся, вéры христиáнскаго утверждéние;
рáдуйся, нечéстия обличéние.
Рáдуйся, Гóрних Сил похвалó;
рáдуйся, прáведных сла́во.
Рáдуйся, грéшных уповáние;
рáдуйся, ненадéемых надéяние.
Рáдуйся, Благодáтная, Целíтельница душ и телéс нáших.

Кондак 9

Все уповáние на Тя возлага́ем, Мáти Бóжия, и в скóрбех и болéзнях
ко святéй ико́не Твое́й с благоговéнием и вéрою притека́ем, ча́юще от
нея́ скóрое утешéние и исцелéние получи́ти. О Пресвятáя Царíце
Богорóдице, воззрí мíлостивно на нас, смире́нных рабо́в Твои́х, и
ускори́ испóлнити вся, я́же на по́льзу нам, и в сей жízни, и в бўдущей,

да прославляюще Твое благоутробию, воспеваем Творцу Богу:
Аллилуиа.

Икос 9

Ветии многовещанныи не возмогут достойно восхвалити Тя,
Пречистая Деве, Честнейшую Херувим и Славнейшую без сравнения
Серафим, безсеменно рождшую Спаса душ наших. Мы же, аще и
немошни есмы, обаче, любовьню к Тебе побеждаеми, отверзаем
недостойная уста своя на похвалы Тебе сицевыя:

Радуйся, тайно, умы человеческими и Ангелькими непостижимая;
радуйся, чистотою Ангелов превозшедшая.

Радуйся, чудес Христовых начало;

радуйся, пророчеств древних исполнение.

Радуйся, девство и рождество в Себе чудно сочетавшая;

радуйся, во обою непорочно и свято Себе сохраняющая.

Радуйся, Мати Сына Божия и Бога Вышняго;

радуйся, падшему человечеству отверзшая вход в Царствие
Небесное.

Радуйся, тихое пристанище от бурь плавающим по морю
жизнейскому;

радуйся, Богом дарованная отрадо страждущим.

Радуйся, сияющая благодатию и славою предивных знамений и
чудес;

радуйся, приемлющая похваление людских словес.

Радуйся, Благодатная, Целительнице душ и телес наших.

Кондак 10

Спаси хотя род человеческий от беззаконий и вечныя муки,
Человеколюбец Господь Ты, Матерь Свою, дарова в помощь, покров и
защиту верующим в Него. Прославляюще таковое Создателя нашего
безмерное милосердие о нас, грешных, благодарственным сердцем и
устны вопием Ему: Аллилуиа.

Икос 10

Стена еси неборимая и заступление крепкое, Богородице Деве,
всем с молитвою к Тебе прибегающим. Темже убо и нас, недостойных,
огради от лютых болезней и от всякаго злаго обстояния и подаждь во
всех делех благовременную помощь и укрепление взывающим Ти:

Радуйся, Заступнице наша и похвало;

радуйся, Хранительнице наша и утверждение.

Радуйся, Отрадо наша и дивное о нас попечение;

ра́дуйся, извѣстное прибѣжище наше во всех скорбных обстояніих.
Ра́дуйся, младенцев воспитание;
ра́дуйся, юных Наставнице целомудрия.
Ра́дуйся, супру́гом любовь и согласіе дарующая;
ра́дуйся, благоговѣйных старцев духовно укрепляющая.
Ра́дуйся, вѣрных пастырей Святыя Цѣркве вразумляющая;
ра́дуйся, во иноческом образе подвижающимся в Го́рний Иерусали́м
путь указующая.

Ра́дуйся, в міре благочестіво живущих не оставляющая Своим
заступлѣнием;

ра́дуйся, всем христи́аном предѣльное вспомо́жение.

Ра́дуйся, Благодатная, Целительнице душ и телес наших.

Кондак 11

Пѣнія и мольбы́ всеумилѣнныя, ны́не нами приносимыя пред
цельбоно́сным Твои́м образом, прими́, Присноде́во Богоро́дице, и
сподо́би до конца́ жи́зни наша́ еди́ному Бо́гу воспева́ти: Аллилу́иа.

Икос 11

Светоза́рне сияет чудотво́рная ико́на Твоя́, Ма́ти Бо́жия, источа́ющи
вѣрным то́ки исцелѣ́ний благодатных и наставля́ющи блужда́ющих во
тьме́ грехо́в на свѣтлый путь добродѣ́телей и спасѣ́ния. Сего́ ра́ди
вопи́ем Ти хвале́бныя пѣ́сни таковы́я:

Ра́дуйся, чудесы́, от святы́я ико́ны истека́ющими, зе́млю Ру́сскую
напои́вшая;

ра́дуйся, оби́тель Алексі́евскую образом сим просла́влявшая.

Ра́дуйся, осенѣ́нием Твое́я ико́ны си́лу вра́жю прогоня́ющая;

ра́дуйся, прибега́ющим в скорбех, ну́ждах и болѣ́знях ско́рое
утѣше́ние и исцелѣ́ние подава́ющая.

Ра́дуйся, чу́до чудес, Оди́гитрие Влады́чице, на путь спасѣ́ния
наставля́ющая;

ра́дуйся, мирное устроѣ́ние обурева́емым напа́стьми да́рующая.

Ра́дуйся, чистото́ю Твое́ю чи́стому жити́ю нас науча́ющая;

ра́дуйся, лука́вых, го́рдых и гневли́вых люде́й вразумля́ющая.

Ра́дуйся, пра́вую ве́ру и страх Бо́жий в нас вселя́ющая;

ра́дуйся, свѣ́том Христо́ва учѣ́ния тьму́ неvě́рія прогоня́ющая.

Ра́дуйся, смущѣ́ния помышлѣ́ний сумні́тельных удаля́ющая;

ра́дуйся, духовны́я да́ры ще́дро пода́ющая.

Ра́дуйся, Благодатная, Целительнице душ и телес наших.

Кондак 12

Благодатию и щедротами Твоими, премилосердная Владычице, не оставляеши христиан православных, дарующи скорбящим утешение, обидимым заступление, болящим исцеление и всем сущим в бедах многоразличных избавление; сего ради, прославляюще Тя, благодарственно вопиём Богу: Аллилуиа.

Икос 12

Поюще Твоя неизреченная милости и чудеса, являемая нам недостойным, преклоняем колена пред цельбоносным Твоим образом, Богородице Приснодево, и молим Тя усердно: подаждь нам мир, тишину и благу христианскую кончину и не остави без Твоей помощи и заступления во втором пришествии Сына Твоего и Бога нашего всех приносящих Ти со умилением сия похвалы:

Радуйся, в уныние и отчаяние впавших надеждою спасения укрепляющая;

радуйся, узы греховныя разрешающая.

Радуйся, праведный на нас гнев Божий на милость прелагающая;

радуйся, земное житие наше добре устрояющая.

Радуйся, от опасных обстояний Избавительнице;

радуйся, в час кончины скорая Помощнице.

Радуйся, на мытарствах воздушных заступающая чтущих Тя;

радуйся, не чтущих Тя посрамляющая.

Радуйся, к Тебе любовь имущим отверзающая райская врата;

радуйся, вечного блаженства в Царствии Небесном сподобляющая прославляющих Тя.

Радуйся, Державо наша, во дни тяжких испытаний нас укрепляющая;

радуйся, Радосте наша, во вся дни нас освящающая.

Радуйся, Благодатная, Целительнице душ и телес наших.

Кондак 13

О Всепетая Мати Сладчайшаго Господа нашего Иисуса Христа, милостивно приими сие малое моление наше, избави нас от всякия напасти, болезни и внезапныя смерти и сподоби нас наследники быти Царствия Небеснаго и со всеми святыми воспевати Сыну Твоему и Богу нашему: Аллилуиа.

Молитва

О Пресвятая Госпоже Царице Богородице, Вышшая всех Небесных Сил и Святейшая всех святых! Припадаем и поклоняемся Тебе пред всечестным и цельбоносным образом Твоим, воспоминающе дивное

явление Твое болящему клирику Викентию, и усердно молим Тя, всесильную рода нашего Заступницу и Помощницу: якоже древле подала еси исцеление тому клирику, тако и ныне исцели наша души и телеса, болезнующия ранами грехов и страстей многоразличных, избави нас от всяких напастей, бед, скорбей и вечного осуждения, сохрани от душепагубных учений и безверия, от лстивых и наглых нападений невидимых врагов, подаждь нам христианскую кончину, безболезненну, мирну, непостыдну, Святых Таин причастну, и сподоби нас на нелицеприятном судищи Христове стати одесную всеправедного Судии и блаженный глас Его услышати: «Приидите, благословеннии Отца Моего, наследуйте уготованное вам Царствие от сложения мира!» Аминь.

Иная молитва,

заимствована из сборника «Молитвы, чтимыя на молебных и иных последованиях» (Пг.: Синодальная типография, 1915), л. 34

Приими, о Всеблагословенная и Всемощная Госпоже Владычице Богородице Деве, сия молитвы, со слезами Тебе ныне приносимыя от нас недостойных раб Твоих, ко Твоему цельбоносному образу пение возсылающих со умилением, яко Тебе Самой zde сущей и вмещающей молению нашему. По коемуждо бо прошению исполнение твориши, скорби облегчаеши, немощным здравие даруеши, расслабленные и недужные исцеляеши, от бесных бесы прогоняеши, обидимыя от обид избавляеши, прокаженные очищаеши и малыя дети милуеши: еще же, Госпоже Владычице Богородице, и от уз и темниц свобождаеши и всякия многоразличныя страсти врачуеши: вся бо суть возможна ходатайством Твоим к Сыну Твоему, Христу Богу нашему. О Всепетая Мати, Пресвятая Богородице! Не престай молиться о нас недостойных рабех Твоих, славящих Тя и почитающих Тя, и поклоняющихся со умилением пречистому образу Твоему, и надежду имущих невозвратну и веру несумнennу к Тебе, Приснодеве преславней и непорочней, ныне и присно и во веки веков. Аминь.